



ბრძანებები

რესპუბლიკის ჯარების მიმართ

24 ივნისი 1919 წ. ქ. ტფილისი.

№ 144

როგორც სიანს სამხედრო სამინისტროს იურისკონსულტის მოხსენებებიდან, ჩემდამი რწმუნებულ სამხედრო სამინისტროს ზოგიერთ სამხედრო ნაწილებში ხშირად აღიძრება ხოლმე ბრალდება სამხედრო უწყების თანამდებობის პირთა წინააღმდეგ სახაზინო ქონების და ფულის მითვისების და განფლანგვის შესახებ ისე, რომ ამგვარი საქმეები ირჩევინ სასამართლოებში ხაზინის წარმომადგენლის დაუსწრებლად, მაშინ, როდესაც აღნიშნულ დანაშაულობის შემთხვევებში კანონით დაშვებულია სისტილის სამართალში ბრალდებულის წინააღმდეგ სამოქალაქო საჩივრის წარდგენა და, სამართლის პროცესში ხაზინაზე მიყენებული ზარალის საჩქაროთ ასანაზღაურებლად, დაზარალებულის წარმომადგენლის მონაწილეობა.

ამიტომ ვბრძანებ: სამხედრო უწყების თანამდებობის პირებმა და დაწესებულებებმა აკნობონ ხოლმე დაუყოვნებლივ სამხედრო სამინისტროს იურისკონსულტს მათგან სამხედრო უწყების თანამდებობის პირთა წინააღმდეგ საჩივრის აღძვრა იმ შემთხვევებში, როცა ქონების და ფულის მითვისებით და განფლანგვით გამოწვეულია ხაზინის ზარალი.

29 ივნისი 1919 წ. ქ. ტფილისი.

№ 145

ჩემს განკარგულებაში მყოფმა გენერალ-მაიორმა არჯევანიძემ წერილობით მომახსენა, რომ იგი მიმდინარე 1919 წელს 25 ივნისს დაბრუნდა ქ. ქ. ფოთში და ქუთაისში მიღწევილობისაგან.

ცნობა: მოხსენება № 43 გენერალ-მაიორ არჯევანიძისა,

30 ივნისი 1919 წ. ქ. ტფილისი.

№ 146

1-ლი ქვეითა დივიზიის უფროსმა გენერალ-მაიორმა ართმელაძემ მოხსენებით შემატყობინა, რომ ამ წლის 26 ივნისს დაბრუნდა ქ. ფოთიდან სადაც იგი გამგზავრებული იყო სამსახურის მოვალეობათა აღსრულების გამო.

3 ივლისი 1919 წ. ქ. ტფილისი.

№ 147

ტფილისის გარნიზონის უფროსმა გენერალ-მაიორმა მაყაშვილმა წერი-

ლობით მომასხენა, რომ მიმდინარე 1919 წ. 26 ივნისს სამხედრო სატუსაღოს გულშემა მენ პოლკის ჯარის-კაცმა ვახტანგაძემ რამოდენიმეჯერ გაფრთხილების შემდეგ, რომ ტუსაღებს არ ელანძღათ და არაფერი გადმოეგდოთ ფანჯრებიდან, ერთხელ გასროლით დასჭრა ორი ტუსაღი. ვიღებ რა მხედველობაში ჯარის-კაცის ვახტანგაძის მიერ სამსახურის ცოდნას და თავის მოვალეობის მტკიცედ ასრულებას ვუსახდებ მას მადლობას და ებრძანებ: მიეცეს ჯარის-კაცს ვახტანგაძეს ჯილდოთ ასი (100) მანეთი.

2 ივლისი 1919 წ. ქ. ტფილისი.

№ 148

საბარგეულო ათასეულის უფროსმა პიტაქით ამა წლის 30 ივნისიდან № 546 აცნობა გენერალურ შტაბის განყოფილების უფროსს, რომ მისდამი რწმუნებული ათასეულის სამმართველო ვაუქმდა.

ებრძანებ, რომ საბარგეულო ათასეული თავის სამმართველოთი ჩაითვალოს ვაუქმებულიათ 30 ივნისიდან, მისი უფროსი პოლკოვნიკი დუმბაძე და მოხვედრე ელენტი გავზავნილ იქნენ პიროვნულ შემადგენლობის უფროსის განკარგულებაში.

სამხედრო მინისტრის მეგერ,
გენერალ-მაიორი გედევანიშვილი.

6 ივლისი 1919 წ. ქ. ტფილისი.

№ 149

ვაცხადებ საცნობად გიორგის იარაღის სათათბიროს დადგენილობის პირს:

თანხმად ბრძანებისა საქართველოს რესპუბლიკის ჯარების მიმართ 1919 წლის ივნისის 3-დან, გიორგის იარაღის სათათბირომ 1919 წელს ივნისის 10 სხდომაზე ინფანტერიის გენერალ ვაბაშვილის თავმჯდომარეობით და წევრთა: გენერალურ შტაბის განყოფილების სარემონტო სექციის გენერალ-მაიორ ჭავჭავაძის, სამხედრო მინისტრის განკარგულებაში მყოფ გენერალ-მაიორ ჩხეტიანის, მე-5 ქვეითა პოლკის უფროსის გენერალ-მაიორი ბაღლაშვილის, მე-9 ქვეითა პოლკის პოლკოვნიკ შარვაშიძის, სამხედრო სამინისტროს პიროვნულ შემადგენლების, განყოფილობის უფროსის თანაშემწის პოდპოლკოვნიკ უთხელიშვილის, და მე-2 საარტილერიო ბრიგადის პოლკოვნიკ მგალობლიშვილის თანდასწრებით, განიხილა რა სამხედრო სასწავლებლის უფროსის თანაშემწის პოლკოვნიკ აღდესანდრე ჩხეიძის წარდგენილობა გიორგის იარაღით დაჯილდოებაზე, დაადგინა:

მე-15 კავკასიის მსროლელ პოლკის პოლკოვნიკი ჩხეიძე გიორგის იარაღით დაჯილდოების ღირსყოფილათ იქმნეს ცნობილი, მისთვის რომ ბრძოლაში ივნისის 29-დან 30-მდე, საბრძოლველ უბნის უფროსობის დროს მე-4 კავკასიის მსროლელ დივიზიის 4 ბატალიონის და 4 სამთო ზარბაზნის შემადგენლობით, დივიზიის უფროსის ბრძანებით, პირადად ხელმძღვანელობდა თავის რაზმს, ჯვარედინ ცეცხლის ქვეშ იერიში მიიტანა ძლიერ გამაგრებულ 2100-იან მადლობზე და ხელ-ჩართულ ბრძოლის შემდეგ დაიკავა ეს მეტად მნიშვნელოვანი მადლობა.



ამ გამარჯვებამ ბრძოლა ჩვენ სასარგებლოთ გადამოხარა; ოსმალებმა მთელ ფრონტზე მე-4 კავკასიის მსროლელ დივიზიის წინ, 30 ივნისს დილიდან იწყეს უკან დახევა; მათი წინააღმდეგობა გადალახული იქმნა, რადგან მათ ზურგს საწიშ მდგომარეობაში აყენებდა პოლკოვნიკ ჩხეიძის უბანი. შემდეგ განკარგულებამდე მან გამბედულად განაგრძო შეტევა და დაიკავა სოფელი კანლი-კაია. ამ დროს პოლკოვნიკ ჩხეიძის უბნის გამარჯვების გამო დივიზიის დანარჩენი ნაწილები იერიშით მივიდნენ ოსმალთა პოზიციებზე, რომელნიც მიდიოდნენ სოფ. მაზღან-ხალორიდან სამხრეთ დასავლეთით 2500-იან მაღლობზე, და საღამოს დაიკავეს სოფელი შაადანი.

შეუპოვარ ბრძოლათა დროს, პოლკოვნიკმა ჩხეიძემ დაიკავა პუნქტების მთელი რიგი: 2100-იან მაღლობი, მთა შაადან-შანჩასთან, მაღლობი კიკლაბიტოპასი, პლარის მაღლობები და ზიარეთ-ტოპასი, რითაც არა ერთხელ სწყვეტდა დივიზიის მთელ ფრონტზე ბრძოლას ჩვენ სასარგებლოთ. ყოველთვის ბრძოლის დროს იჩენდა განკარგულების უნარს, ინიციატივას და გამბედაობას. ბრძოლის დროს ტყვედ წამოყვანილ იქმნა 200 ასკერი და რამოდენიმე ოფიცერი, ქალაქ ბაიბურთში ხელთჩადგმულ იქმნენ საინჟინერო, სასაგნო და პროდუქტ საწყობები. მთა კოლვიდასთან ტყვიის მფრქვეველ პოლკის შემადგენლობას გამოაკლდა 2000 კაცი—875 მოკლული და დაჭრილი მსროლელი და 29 ოფიცერი.

სათათბიროს თავმჯდომარე,
ინჟანტერიის გენერალი ვაბაშვილი

- წევრები: { გენერალ-მაიორი ჭავჭავაძე
გენერალ-მაიორი ჩხეტიანი
გენერალ-მაიორი ბალუაშვილი
პოლკოვნიკი შარვაშიძე
პოდპოლკოვნიკი უთნელიშვილი
პოდპოლკოვნიკი მგალობლიშვილი

6 ივლისი 1919 წ. ქ. ტფილისი

№ 150

ვაცხადებ საცნობად ქართული ლაშქარის ვიორგის კავალერთა სათათბიროს დადგენილობის პირს.

თანახმად საქართველოს რესპუბლიკის მთავრობის ბრძანებისა № 123 1919 წლის ივნისის 3-დან, ვიორგის კავალერთა სათათბირომ ინჟანტერიის გენერალ ვაბაშვილის თავმჯდომარეობით და წევრთა გენერალ-მაიორების ფურცელაძის, არჯენანძის, გელოვანის, პოლკოვნიკების შაბაზის, მესხის და პოდპოლკოვნიკის ვობრონიძის თანადასწრებით, განიხილა რა პოლკოვნიკ ნათიშვილის წარდგენილობა წმ. ვიორგის მე-4 ხარისხის ორდენზე, დაადგინა:

პოლკოვნიკი ნათიშვილი, წმ. ვიორგის ორდენის მე-3 სტატუტის მე-8 მუხ. თანახმად, წმ. ვიორგის მე-4 ხარისხის ორდენით დაჯილდოვების ღირსყოფილად იქნას ცნობილი მისთვის, რომ 1916 წლის თებერვლის 1, რაზმის უფროსად ყოფნის დროს, მოახდინა ძლიერად გამაგრებული პოზიციის და მიუვალად მთის სვერი-კაის დაზვერვა.

იმყოფებოდა რა ძლიერ ცეცხლის ქვეშ, პირდაპირ ხელმძღვანელობდა

ბრძოლას და მისი იქ ყოფნა, როგორც რაზმის უფროსის, ამხნეებდა როგორც ოფიცრებს ისე ჯარის-კაცებს. მის პირადი ხელმძღვანელობით იერიშით აღებულ იქნა ძლიერ გამაგრებული პოზიცია მთის სვერი-კაისისა.

უკანასკნელის აღებით არზრუმის ველისაკენ გზა გასწვრილი შეიქნა ტუისის ხეობით და მით გადაწყდა მთელი დევი-ბოინის პოზიციის ბედი, ვინაიდან მთა სვერი-კაი წარმოადგენდა არზრუმის ფორტების სტრატეგიულ გასაღებს.

ამასთანავე ტყვედ წაყვანილ იქნა 43 ოსმალი. მტერმა ბრძოლის ველზე დატოვა 370 სხანა, 38 ფუთი პატრონი და 200-ზე მეტი გვამი.

სათათბიროს თავმჯდომარე
ინჟანტერიის გენერალი გაბაშვილი.

- წევრები:
- გენერალ-მაიორი ფურცელაძე.
 - გენერალ-მაიორი არჯევანიძე
 - გენერალ-მაიორი გელოვანი.
 - პოლკოვნიკი მაჩაბელი.
 - პოლკოვნიკი მესხი.
 - პოდპოლკოვნიკი გომბრონიძე.

სამხედრო მინისტრის მაგიერ,
გენერალ-მაიორი გელევანიშვილი.

10 ივლისი 1919 წ. ქ. ტფილისი.

№ 151

თანახმად სამხედრო საბეითლო განყოფილების უფროსის მოხსენებისა, უბრძანებ რესპუბლიკის ყველა ჯარის ნაწილების უფროსებს, რათა მათ საბეითლო განყოფილების უფროსის მოთხოვნით მიავლინონ საჭირო რიცხვი შესაფერისად მომზადებული ჯარის-კაცებისა სანაპირო ჯარის შტაბთან არსებულ საბეითლო საფერშლო სკოლაში ქალ. ტფილისში. ხსენებული ჯარის-კაცები სკოლის დამთავრების შემდეგ დაბრუნებულ იქნებიან თავიანთ ნაწილებში ფერშლებათ.

სამხედრო მინისტრი რაშიშვილი

